

minus lata et paulo crassiore, margine superno magis rotundato distinguendæ.

Mas. Piceus, antennis, pedibus et abdominis apice extremo fusco-testaceis, modice nitidus, tenuiter punctatus, parce pubescens et pilosus, pilis erectis in pedibus paucissimis. Caput transversum, ovatum, oculis magnis, clypeo convexo, antice arcuato, mandibulis minutis, palpis maxillaribus et labialibus 4-articulatis. Antennæ scapo brevissimo, articulo 2° minuto, scapo duplo breviore, 3° et sequentibus valde elongatis, illo plus triplo longiore quam scapus. Mesonotum cum sulcis convergentibus profundis; epinotum rotundatum. Tibiae bicalcaratae. Petioli squama ovata, crassa, antice posticeque convexa, superne rotundata et parum attenuata, subtus antice lobo rotundato; strictura inter segmenta 2. et 3. distincta, pygidium acuminatum tamen non spiniforme. Genitalia pygidium superant, stipite subrecto, simplice, apice rotundato, lamina subgenitali angusta, elongata. Alæ fuscescentes venis fusco-testaceis, stigmate obscure fuso. — L. 5 mm. (Formæ typicæ ex America mas adhuc latet.)

Insula *Beliao*, prope Berlínhaven. — SMITH descriptis hanc formam ex insulis *Aru*. Specimen ex *Celebes* a FRUHSTORFER lectum vidi.

Adnot. — Coloniam observavit Dom. Biró in trunko putrescente, una cum termitibus aliisque formicis. Operarie non tentaverunt auferre aut defendere larvas, que sunt elongatæ, antice attenuatæ atque tuberculis piligeris instructæ. A termitibus eas aggredientibus ipsæ larvæ motibus subitaneis longi colli sese defundebant, hostes repellere valentes.

Larvas istas alio opere * descripsi: omnes ponerinarum larvæ, quas huensque vidi, antice similiter attenuatæ sunt et tuberculis piligeris armatæ, quibus aliæ formicarum larvæ carent.

56. *Euponera* (*Brachyponera*) *luteipes* MAYR ** var. *croceicornis* n. var.

Operaria et foemina. Typo quoad structuram corporis et statu ram proxima, oculis paulo minoribus et flagelli dimidio apicali croceo (scapo et flagelli basi fuscis) distinguenda.

Ponera LATR.

Generi *Ponera* sensu stricto species tantum illas adscribendas putavi quæ, sicut typus generis, *P. coarctata*, in tibiis posterioribus calcare uno, scilicet mediali seu postico instructæ sunt, lateralí seu anteriore nullo.

Generis ita circumscripsi species ex Australia, Papuasia et Oceania ope sequentis tabellæ discriminari queunt:

* Interno alle larve di alcune Formiche (Mem. Accad. Bologna [5].v. 8. 1899.).

** Species ob pedes posteriores bicalcaratos a genere *Ponera* excludenda, Conf. notam præcedentem p. 314.